

**La babiladaj rondoj okazas vendrede je la 19-a horo.**

La gastiganto informas per *Doodle*, kion li preparos por manĝi kaj kion la gastigantoj povas alporti. <https://doodle.com/poll/8dk45bkb8brdf2nd>

**Ambaŭgrupa babilada rondo: Ve, la 18-an de januaro**

En Espace Dickens, Cléa invitos nin post la diskutado. Venu multnombraj kaj aliĝu al Doodle. <https://doodle.com/poll/rwvef6hykb5dqds6>

**La Kasta Festo**, rue de Montbrillant 20 en Genève, organizota de *La Stelo*, okazos **sa, la 23-an de februaro** (projekciado de nia filmo) kaj la 25-an de majo, je la 18-a kaj 30.

### Komitata informo:

**David Buhlmann** - nia prezidanto - mendis eksiĝi el siaj respondecoj. LES serĉas novan prezidanton.

**Knud Sunier**, nia redaktoro, mendis eksiĝi el siaj respondecoj. Rosario Scopelliti konsentas, portempe, okupiĝi pri la informilo.

Februare, dum la asembleo, ni devos elekti du novajn komitatanojn.

## Laŭzana Esperanto - Societo

F. Randin - ch. de Vallombreuse 14 \* CH - 1004 LAUSANNE

+41 21 647 29 28 \* [sekretario@eo-l.ch](mailto:sekretario@eo-l.ch)

<https://www.facebook.com/esperantolausanne>

Poŝtĉekkonto - CCP 10-26785-8

Prez.: David Buhlmann \* 021 624 36 38 - Vicprez.: Charlotte Blanc Maillard \* 079 393 32 63 - Sekr.: François Randin \* 076 411 14 55 - Kasisto : Françoise Pétermann \* 079 517 44 43

Redaktoro de la informilo : Knud Sunier kaj Rosario Scopelliti



Kiu vi estas

# Laŭzana Esperanto - Societo

## Informilo

Januaro 2019 - n° 01

Kunsidoj normale okazas ĉiumonate  
ĉe Espace Dickens, rue Dickens 6, Lausanne

Lunde la 7-an de januaro, je la 20-a.

## Demandoj kaj trejnado

Venu kun viaj lingvaj problemoj. Ni provos trovi solvojn por vi. Ni ankaŭ ekzercos malfacilaĵojn, esperantajn specialaĵojn.

Lunde, la 4-an de februaro

➤ **Ĝenerala Asembleo**

Lunde, la 4-an de marto

➤ Decidota

Lunde, la 1-an de aprilo

➤ Ŝercadoj

Lunde, la 6-an de majo

➤ Decidota

### KRIPTA FRAZO

Rekonstruu frazon (7, 5, 8) interligante apudajn literojn ekde S al O horizontale, vertikale aŭ diagonale.

S	A	S	K	O
I	T	S	E	N
L	N	E	N	S
E	T	O	T	O

### EKZEMPLO

Patro nia,  
kiu estas ...

A	P	A	S
T	T	A	K
R	I	S	I
O	N	E	U

# Karlo

## Facila legolibro de Edmond Privat

### Ĉapitro 1. La familio.

Kiam naskiĝis Karlo, rozkolora kaj sana bubeto, liaj gepatroj estis ankoraŭ tre junaj. Ilia unua infano li estis. Lia apero en tiu ĉi mondo kaŭzis grandegan ĝojon en la tuta familio. Filo! Vera vivanta knabeto! La junaj gesinjoroj Davis estis tre fieraj pri Karlo kaj ĝuis internan kaj trankvilan plezuron.

Sed la patro de sinjoro Davis estis tro ĝoja por esti kvieta. Avo li estis nun; li tute forgesis, ke tio lin iom maljunigas, kaj li kontraŭe sentis en si infanan gajecon.

Dum du tagoj post la naskiĝo de Karlo, li ne povis labori en sia oficejo. Li kuradis de sia domo al la domo de sia filo, kaj de tie revenadis al sia domo; li promenadis tra la stratoj de la urbeto, eniris en ĉiajn magazenojn por aĉeti objektojn tute senutilajn; al ĉiu almozetanto li donis multajn monerojn. Oni povis facile vidi, ke li estas kontenta.

La gepatroj de sinjorino Davis estis jam tre maljunaj. Ili loĝis en granda urbo, kaj oni telegrafe anoncis al ili la naskiĝon de ilia nepo. Por ili ne la unua li estis. Ilia filino

Margareto, la feliĉa patrino de Karlo, estis ilia sepa infano. Jam du el ŝiaj fratinoj kaj tri el ŝiaj fratoj estis edziĝintaj kaj eĉ havis infanojn, kiam fraŭlino Margareto renkontis la junan sinjoron Davis, kun kiu ŝi baldaŭ fianĉiniĝis kaj tre baldaŭ poste edziniĝis. Fraŭlino Margareto estis tre beleta junulino kaj tre dolĉa. Pro tio ĉiuj gefratoj multe amis ŝin. Kaj ŝiaj gepatroj ricevis grandan ĉagrenon, kiam ŝi devis forveturi kun sia juna edzo.

En la baptotago de Karlo preskaŭ la tuta familio de sinjorino Davis ĉeestis, kaj ankaŭ la patro kaj la juna frato de sinjoro Davis. Oni nomis la knabon Karlo Teodoro, por kontentigi lian patran avon, sinjoron Karlo Davis, kaj lian patrinan avon, sinjoron Teodoro Renberg. Kompreneble, oni ne povis elekti alian baptopatron, ol lian patran avon. La baptopatrino estis la plej maljuna fratino de sinjorino Davis.

Dum la pastro malsekigis lian beletan kapeton kun kreskantaj blondaj haroj, sinjoreto Karlo Teodoro ŝajnis gaje rideti kaj, subite palpante siajn malsekajn harojn per siaj manetoj, li faris al la ĉeestantoj en la preĝejo laŭtan, sed nekompreneblan paroladon, kiu preskaŭ rompis la seriozecon de la ceremonio. Sendube por haltigi lin, lia onklino donis al li pluvegon da kisoj. Kredante, ke ili estas gratulesprimoj, kaj estante jam tre modesta, li tre malafable akceptis tiujn kisojn. Jam tiam li mirigis multajn personojn.